

Inscripcións abertas para unha xornada micolóxica en Chandebrito

Escrito por Redaccion @valminorinfo
Venres, 14 Novembro 2014 18:27



A Asociación Veciñal e Cultural "Chandebrito 1807", coa colaboración da Agrupación Micolóxica "Brincabois", celebrará o vindeiro domingo día 23 de novembro durante todo o día a cuarta edición das xornadas de micoloxía de Chan de Brito, na que o membro da citada agrupación e da Federación Galega, Jose Luis Tomé Ortega, introducirá no mundo dos cogomelos ás persoas participantes.

Para iso, entregarase información a cada un destes, que partirán arredor das 10:30 h. do local social desta Asociación, na escola infantil da parroquia (Rúa da Igrexa, 2), polos montes dos Cruceiros, A Lapela e Regamán, entre as parroquias de Chandebrito, Vincios e Valadares, para a recollida de cogomelos.

A xornada continuará ás 16.00 h. cunha exposición do material seleccionado, ademais dunha charla ás 18.30 na que o experto falará das características de cada un deles e do aspecto gastronómico, para a continuación rematar co preparado, cociñado e degustación de varias especies diferentes.

Para maior información e/ou inscricións poden chamar ao teléfono núm. 667380223 ou escribir ao correo-e chandebrito1807@gmail.com . Tamén poden consultar a información na páxina web www.chandebrito1807.blogspot.com .